

Headline	MTIB dan FRIM eratkan kerjasama perkukuh R&D perkayuan negara		
MediaTitle	Utusan Borneo Sabah		
Date	30 Mar 2019	Color	Black/white
Section	Business & Finance	Circulation	11,223
Page No	B6	Readership	33,669
Language	Malay	ArticleSize	131 cm²
Journalist	N/A	AdValue	RM 266
Frequency	Daily (EM)	PR Value	RM 798



MTIB dan FRIM eratkan kerjasama perkukuh R&D perkayuan negara

KUALA LUMPUR: Lembaga Perindustrian Kayu Malaysia (MTIB) dengan Institut Penyelidikan Perhutanan Malaysia (FRIM) telah menandatangani satu Memorandum Persefahaman (MoU) bagi meningkatkan kerjasama dalam program penyelidikan, pembangunan dan pengkomersialan industri kayu-kayan tempatan.

Dalam satu kenyataan bersama semalam, ia berkata kerjasama antara MTIB dengan FRIM ini akan mendatangkan manfaat dari segi pengukuhan penyelidikan dan pembangunan (R&D) dalam mentransformasikan hasil R&D untuk aplikasi komersial selaras dengan Dasar Perindustrian Kayu Negara (NATIP) dalam Teras 3: Inovasi dan Teknologi.

“Di samping itu, ia juga dapat mengurangkan duplikasi penyelidikan

berhubung pembangunan industri perkayuan.

“Kerjasama dalam program-program secara bersama akan menguntungkan kedua-dua pihak, mengukuhkan struktur industri perkayuan serta meningkatkan daya saing secara global,” katanya.

MoU tersebut ditandatangani oleh Ketua Pengarah FRIM, Datuk Dr Abd Latif Mohmod mewakili FRIM dan Timbalan Ketua Pengarah (Pengurusan dan Operasi) Norchahaya Hashim.

Antara bidang kerjasama MTIB-FRIM dibawah MOU ini adalah memantapkan amalan pembangunan industri kayu-kayan secara lestari, menyokong pembangunan teknologi penggunaan sumber kayu secara optimal serta membantu penguatan kuasaan melalui forensik perhutanan dan produk perkayuan.